



Broj: 0101-8398-9/17  
Sarajevo, 11. 04. 2018. godine

Na osnovu člana 70. stav (1), (3) i (6) Zakona o javnim nabavkama BiH („Službeni glasnik BiH“, broj: 39/14) i člana 59. Statuta Univerziteta u Sarajevu, nakon provedenog otvorenog postupka za javnu nabavku robe Kompjuterska oprema, na preporuku Komisije za javnu nabavku broj: 0101-8398-2/17 od 26. 12. 2017. godine, rektor Univerziteta u Sarajevu donosi sljedeću

### **O D L U K U** o izboru najpovoljnijeg ponuđača i dodjeli ugovora

#### **Član 1.**

Prihvata se preporuka Komisije za javnu nabavku broj: 0101-8398-2/17 od 26. 12. 2017. godine i ugovor o javnoj nabavci robe-Kompjuterska oprema se dodjeljuje ponuđaču ASPO RAIL d.o.o., Alipašina 53, 71000 Sarajevo, čija ukupna cijena ponude iznosi 42.400,00 KM bez PDV-a (slovima: četrdesetdvijehiljadečetiristotine KM i 00/100), iz razloga što je u otvorenom postupku, nakon provedene e-aukcije ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

#### **Član 2.**

Izabrani ponuđač je dužan u roku od 3 (tri) dana od dana zaprimanja ove Odluke, na adresu Univerziteta u Sarajevu, Obala Kulina bana 7/II, 71000 Sarajevo, dostaviti originale ili ovjerene kopije dokaza traženih tačkom 13. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

#### **Član 3.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

#### ***Obrazloženje***

Na osnovu Odluke o pokretanju postupka javne nabavke broj: 0101-8398-1/17 od 26. 12. 2017. godine, Univerzitet u Sarajevu je pokrenuo otvoreni postupak za javnu nabavku robe-Kompjuterska oprema.

Za provođenje postupka predmetne javne nabavke, Odlukom broj: 0101-8398-2/17 od 26. 12. 2017. godine, imenovana je Komisija za javnu nabavku u sastavu: predsjedavajuća Ljiljana Šulentić, te članovi Sahrudin Sarajčić i Melisa Ljuša. Za zamjenskog člana imenovan je Adnan Kafedžić

Obavještenje o nabavci broj: 9991-1-28-3-14/18 objavljeno je na Portalu javnih nabavki dana 05. 03. 2018. godine.

Istog dana na portal javnih nabavki objavljena je i Tenderska dokumentacija broj: 0101-8398-3/17.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki dana 05.04.2018. godine u 9:27 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: Siecom d.o.o, ASPO RAIL d.o.o Sarajevo, Telegroup d.o.o, REBUS d.o.o, ekipija d.o.o, KMC d.o.o, PRINTEX, n-copy d.o.o. Bijeljina, PING d.o.o, ProTim d.o.o. Sarajevo, BBS Europe, R&S d.o.o. Sarajevo, TeleNet d.o.o. Sarajevo, Robert's Plus d.o.o, VEGOS d.o.o. Sarajevo, IBUSINESS d.o.o, Multimedijalni Computer Centar d.o.o.-MMCC, COMP-IT, Infocomp d.o.o, Logosoft d.o.o, IMTEC d.o.o. Sarajevo, IMEL d.o.o. Lukavac, Asbis d.o.o, Simel d.o.o, MIBO komunikacije d.o.o, ELUR d.o.o. Kiseljak, Procom d.o.o. Gračanica, ALF-OM, KAMER COMMERCE d.o.o, PLAN PLUS d.o.o, Network I d.o.o, GODIMERC d.o.o, KONICA MINOLTA Poslovna rješenja BH d.o.o. i FACIT d.o.o.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki dana 05. 04. 2018. godine u 11:43 sati, vidljivo je da je od strane potencijalnog ponuđača ASPO RAIL d.o.o. Sarajevo dana 07. 03. 2018. godine u 8:08 sati postavljeno slijedeće pitanje:

„Na stranici 37. tenderske dokumentacije na kojoj se nalazi obrazac za cijenu, za stavku broj 7: projektor nije navedena tražena količina. Molimo za informaciju koja je tražena količina navedenog projektora.“

Ugovorni organ je dana 09.03.2018. godine u 12:46 sati dao slijedeći odgovor na postavljeno pitanje:

„Na stranici 37. tenderske dokumentacije na kojoj se nalazi obrazac za cijenu, za stavku broj 7: projektor tražena količina navedene robe jeste 2 (jedan) komad.“

Drugi pitanja i zahtjeva za pojašnjenje tenderske dokumentacije od potencijalnih ponuđača nije bilo.

Na tendersku dokumentaciju nije bilo žalbe od strane potencijalnih ponuđača.

Iz Zapisnika Komisije je vidljivo da je dana 26. 03. 2018. godine u 10,15 sati održano javno otvaranje blagovremeno dostavljenih ponuda slijedećih ponuđača:

R. br.	Naziv i sjedište ponuđača <b>KOMPJUTERSKA OPREMA</b>	Broj prijemnog protokola	Datum i vrijeme prijema ponude
1.	IMEL d.o.o. S. Kulenović bb, 75300 Lukavac	0101-1853/18	23.03.2018.g. u 9,50 sati
2.	ASPO RAIL d. o. o. Alipašina 53, 71000 Sarajevo	0105-1886/18	26.03.2018.g. u 9,15 sati

Na javnom otvaranju ponuda nije bilo prisutnih predstavnika ponuđača.

Zapisnik sa otvaranja ponuda je isti dan ponuđačima: IMEL d.o.o. S.Kulenović bb, 75300 Lukavac i ASPO RAIL d.o.o. Alipašina 53, 71000 Sarajevo upućen putem pošte.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije je vidljivo da Komisija za javnu nabavku nije imala nejasnoća u ponudama ponuđača, niti je bilo grešaka u dostavljenim ponudama.

Iz Zapisnika Komisije za javnu nabavku je vidljivo da se Komisija sastala dana 26. 03. 2018. godine radi pregleda i ocjene ponuda, odnosno da bi utvrdila da li su ponuđači ispunili uslove iz člana 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponušači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za nabavku predmetne robe.

Iz Zapisnika Komisije za javnu nabavku je vidljivo da nijedan od ponuđača nije dostavio Potvrdu Vanjskotrgovinske komore ili druge nadležne privredne komore da najmanje 50% ukupne vrijednosti ponuđenih roba imaju porijeklo iz Bosne i Hercegovine o ispunjavaju uslova

za primjenu preferencijalnog tretmana domaćeg, pa je Komisija u skladu sa članom 1. stav (1) tačka c) Odluke Vijeća ministara Bosne i Hercegovine o obaveznoj primjeni preferencijalnog tretmana domaćeg ("Službeni glasnik BiH", broj: 83/16) ocijenila da nijedan od ponuđača koji su dostavili ponude nisu dostavili traženi dokaz o ispunjavanju uslova za primjenu preferencijalnog tretmana domaćeg, tako da se ni na jednu ponudu ne može primijeniti preferencijalni tretman domaćeg.

Iz Zapisnika Komisije je vidljivo da je Komisija ponude ponuđača: IMEL d.o.o. S.Kulenović bb, 75300 Lukavac i ASPO RAIL d.o.o. Alipašina 53, 71000 Sarajevo, ocijenila kao prihvatljive, odnosno tehnički zadovoljavajuće, s obzirom da su ispunili sve uslove za učešće propisane članom 45. do 49. Zakona o javnim nabavkama, te sve minimalne uslove koji su utvrđeni Tenderskom dokumentacijom.

Iz Zapisnika Komisije za javnu nabavku je vidljivo da je Komisija provjerila računsku ispravnost dostavljenih ponuda i utvrdila da u ponudama ponuđača nije bilo računskih grešaka. Komisija za javnu nabavku je, prema kriteriju najniža cijena, sačinila rangiranje prihvatljivih ponuda, prije održavanja e-aukcije, na slijedeći način:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	IMEL do.o. S.Kulenović bb, 75300 Lukavac	0,00 KM	<b>47.560,00 KM bez PDV-a</b> 0,00 KM = PDV 47.560,00 KM sa PDV-om
1.	ASPO RAIL d. o. o. Alipašina 53, 71000 Sarajevo	0,00 KM	<b>47.435,00 KM bez PDV-a</b> 0,00 KM = PDV 47.435,00 KM sa PDV-om

Iz Zapisnika Komisije za nabavke je vidljivo da je za predmetnu nabavku predviđeno provođenje e-aukcije kroz system e-nabavke, te da je Komisija u skladu sa podzakonskim aktima, dana dana 03. 04. 2018. godine, kroz sistem e-nabavke, zakazao održavanje e-aukcije za kvalificirane ponuđače za dan 05. 04. 2018. godine u 14:35:00 sati.

Iz izvještaja o toku e-aukcije koji je kreiran 05. 04. 2018. godine u 15:41:01 sati je vidljiva početna rang lista prihvatljivih ponuđača koji su pozvani da učestvuju u e-aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	ASPO RAIL d. o. o. Alipašina 53, 71000 Sarajevo	4202124540000	<b>47.350,00</b>	1
2.	IMEL doo. S.Kulenović bb, 75300 Lukavac	4209310270009	<b>47.560,00</b>	2

Iz Izvještaja o toku i završetku e-aukcije se vidi da je aukcija kvalificiranih ponuđača započela dana 05. 04. 2018. godine u 14:35:00 sati, te je uspješno okončana 05. 04. 2018. godine u 15:39:00 sati.

Iz izvještaja o toku i završetku e-aukcije se vidi konačna rang lista ponuđača koji su učestvovali u e-aukciji:

R.br.	Naziv ponuđača	IDB/JIB	Konačna cijena KM bez PDV-a	Rang
1.	ASPO RAIL d.o.o.	4202124540000	<b>42.400,00</b>	1

	Alipašina 53, 71000 Sarajevo			
	IMEL doo. S.Kulenović bb, 75300 Lukavac	4209310270009	<b>42.450,00</b>	2

Iz Zapisnika Komisije je vidljivo da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

Komisija za javnu nabavku je dala preporuku rektoru da za nabavku robe: Kompjuterska oprema, donese odluku o izboru najpovoljnijeg ponuđača i dodijeli ugovor ponuđaču ASPO RAIL d.o.o. Alipašina 53, 71000 Sarajevo, čija ponuda je, u skladu sa kriterijem najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude od 42.400,00 bez PDV-a (slovima: četrdesetdvijehiljadečetiristotine KM i 00/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćen je prijedlog Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

**R E K T O R**



**Prof. dr. Rifat Škrijelj**

Dostaviti:

- ASPO RAIL d.o.o, Alipašina 53, 71000 Sarajevo
- IMEL d.o.o, S.Kulenović bb, 75300 Lukavac
- Prorektor za finansije
- Služba za računovodstvo i finansije
- Generalni sekretar
- Služba za javne nabavke
- web stranica UNSA
- a/a

**Prilog:** Zapisnik o pregledu i ocjeni ponuda